

**O‘ZBEKISTON RESPUBLIKASI VAZIRLAR MAHKAMASINING  
QARORI**

**OLIY O‘QUV YURTIDAN KEYINGI TA’LIM TIZIMINI YANADA  
TAKOMILLASHTIRISH CHORA-TADBIRLARI TO‘G‘RISIDA**

O‘zbekiston Respublikasi Prezidentining “Oliy o‘quv yurtidan keyingi ta’lim tizimini yanada takomillashtirish to‘g‘risida” 2017-yil 16-fevraldagi PF-4958-son **Farmoni** ijrosini ta’minlash maqsadida Vazirlar Mahkamasi qaror qiladi:

1. Quyidagilar:

Oliy o‘quv yurtidan keyingi ta’limga qo‘yiladigan davlat talablari **1-ilovaga** muvofiq;

Oliy o‘quv yurtidan keyingi ta’lim to‘g‘risidagi Nizom **2-ilovaga** muvofiq;

Oliy o‘quv yurtidan keyingi ta’lim to‘g‘risidagi hujjatlarning — falsafa doktori (Doctor of Philosophy), fan doktori (Doctor of Science) diplomlari, shuningdek dotsent, katta ilmiy xodim va professor attestatlarining davlat namunalari **3 — 7-ilovalarga** muvofiq tasdiqlansin.

2. O‘zbekiston Respublikasi Vazirlar Mahkamasi huzuridagi Oliy attestatsiya komissiyasi manfaatdor vazirlik va idoralar bilan birgalikda 2017-yil 1-iyuldan boshlab ushbu qaror bilan tasdiqlanadigan talablarga muvofiq attestatsiya ishlarini qabul qilish, ko‘rib chiqish va izlanuvchilarga falsafa doktori (Doctor of Philosophy) va fan doktori (Doctor of Science) ilmiy darajalarini berishni ta’minlasin.

3. O‘zbekiston Respublikasi Fan va texnologiyalar agentligi va Vazirlar Mahkamasi huzuridagi Oliy attestatsiya komissiyasi manfaatdor vazirlik va idoralar bilan birgalikda ular tomonidan qabul qilingan me‘yoriy-huquqiy hujjatlarni bir oy muddatda ushbu qarorga muvofiqlashtirsin.

4. Vazirlar Mahkamasining “Oliy o‘quv yurtidan keyingi ta’lim va oliy malakali ilmiy va ilmiy-pedagog kadrlarni attestatsiyadan o‘tkazish tizimini yanada takomillashtirish chora-tadbirlari to‘g‘risida” 2012-yil 28-dekabrda 365-son **qaroriga** (O‘zbekiston Respublikasi SP, 2012-yil, 12-son, 90-modda) **8-ilovaga** muvofiq o‘zgartirishlar kiritilsin.

5. Mazkur qarorning bajarilishini nazorat qilish O‘zbekiston Respublikasi Vazirlar Mahkamasining Ta’lim va ilm-fan masalalari axborot-tahlil departamentiga yuklansin.

**O‘zbekiston Respublikasining Bosh vaziri A. ARIPOV**

Toshkent sh.,  
2017-yil 22-may,  
304-son

Vazirlar Mahkamasining 2017-yil 22-maydagi 304-son **qaroriga**  
1-ILOVA

**Oliy o‘quv yurtidan keyingi ta’limga qo‘yiladigan davlat talablari**

**1-bob. Umumiy qoidalar**

1. Ushbu Oliy o‘quv yurtidan keyingi ta’limga qo‘yiladigan davlat talablari (keyingi o‘rinlarda Davlat talablari deb ataladi) oliy o‘quv yurtidan keyingi ta’lim tizimiga majburiy talablarni, shuningdek umumiy qabul qilingan xalqaro standartlarni hisobga olgan holda falsafa doktori (Doctor of Philosophy (keyingi o‘rinlarda PhD deb ataladi) va fan doktori (Doctor of Science (keyingi o‘rinlarda DSc deb ataladi) ilmiy darajalari izlanuvchilarining dissertatsiya ishi mazmuniga va sifatiga qo‘yiladigan talablarni belgilaydi.

2. Davlat talablari oliy ta’lim muassasalari (keyingi o‘rinlarda OTM deb ataladi) va ilmiy-tadqiqot muassasalari (keyingi o‘rinlarda ITM deb ataladi) uchun majburiydir.

3. Ushbu Davlat talablarida quyidagi asosiy tushunchalar qo‘llaniladi:

**oliy o‘quv yurtidan keyingi ta’lim** — jamiyatning oliy malakali ilmiy va ilmiy-pedagog kadrlarga ehtiyojini ta’minlashga yo‘naltirilgan uzluksiz ta’lim turi;

**oliy o‘quv yurtidan keyingi ta’lim instituti** — OTM yoki ITMda tayanch doktorantura, doktorantura yoki mustaqil izlanuvchilik shakllaridagi oliy o‘quv yurtidan keyingi ta’limni amalga oshirish tizimi;

*Oldingi tahrirga qarang.*

**tayanch doktorantura** — ishlab chiqarishdan ajralgan holda mutaxassislikni chuqur o‘rganish va doktorlik dissertatsiyasini tayyorlash hamda himoya qilish maqsadida ular tomonidan ilmiy izlanishlar olib borish bo‘yicha falsafa doktori (RhD) ilmiy darajasi izlanuvchilari uchun OTM va ITMlarida oliy malakali ilmiy va ilmiy-pedagog kadrlar ixtisosliklari bo‘yicha tashkil etiladigan oliy o‘quv yurtidan keyingi ta’lim shakli;

*(3-bandning to‘rtinchi xatboshisi O‘zbekiston Respublikasi Vazirlar Mahkamasining 2019-yil 17-avgustdagi 684-sonli qarori tahririda — Qonun hujjatlari ma’lumotlari milliy bazasi, 17.08.2019-y., 09/19/684/3601-son)*

*Oldingi tahrirga qarang.*

**doktorantura** — ishlab chiqarishdan ajralgan holda mutaxassislikni chuqur o‘rganish va doktorlik dissertatsiyasini tayyorlash hamda himoya qilish maqsadida ular tomonidan ilmiy izlanishlar olib borish bo‘yicha fan doktori (DSc) ilmiy darajasi izlanuvchilari uchun OTM va ITMlarida oliy malakali ilmiy va ilmiy-pedagog kadrlar ixtisosliklari bo‘yicha tashkil etiladigan oliy o‘quv yurtidan keyingi ta’lim shakli;

*(3-bandning beshinchi xatboshisi O‘zbekiston Respublikasi Vazirlar Mahkamasining 2019-yil 17-avgustdagi 684-sonli qarori tahririda — Qonun hujjatlari ma’lumotlari milliy bazasi, 17.08.2019-y., 09/19/684/3601-son)*

**mustaqil izlanuvchilik** — ishlab chiqarishdan ajralmagan holda doktorlik dissertatsiyasini tayyorlash va himoya qilish maqsadida mutaxassislikni chuqur o‘rganish va ular tomonidan ilmiy izlanishlar bo‘yicha falsafa doktori (PhD) yoki fan doktori (DSc) ilmiy darajalari izlanuvchilari uchun OTM va ITMlarda tashkil etiladigan oliy malakali ilmiy va ilmiy-pedagog kadrlar bo‘yicha oliy o‘quv yurtidan keyingi ta’lim shakli;

**doktorant** — OTM yoki ITMga tayanch doktorantura yoki doktoranturaga belgilangan tartibda qabul qilingan shaxs;

**mustaqil izlanuvchi** — OTM yoki ITMga mustaqil izlanuvchilikka belgilangan tartibda qabul qilingan shaxs;

**izlanuvchi** — falsafa doktori (PhD) yoki fan doktori (DSc) ilmiy darajasini olish uchun doktorlik dissertatsiyasini tayyorlayotgan shaxs.

## **2-bob. Oliy o‘quv yurtidan keyingi ta’lim institutlarida o‘qitish shakllari va muddatlariga qo‘yiladigan umumiy talablar**

4. Oliy o‘quv yurtidan keyingi ta’lim quyidagi shakllarda amalga oshiriladi:

tayanch doktorantura;

doktorantura;

mustaqil izlanuvchilik.

5. Oliy o‘quv yurtidan keyingi ta’lim institutlarida o‘qish uch yilgacha davom etadi.

6. Oliy o‘quv yurtidan keyingi ta’lim institutini tashkil etish va faoliyat ko‘rsatishi uchun OTM va ITMlar doimiy faoliyat ko‘rsatadigan muvofiqlashtiruvchi-kollegial organga (ilmiy kengash, kengash, ilmiy-texnikaviy kengash, ilmiy-muvofiqlashtiruvchi kengash va boshqa shakllarda) (keyingi o‘rinlarda Kollegial organ deb ataladi) ega bo‘lishi lozim.

7. Tayanch doktoranturaga va doktoranturaga qabul qilish OTM yoki ITMlari tashkil etadigan qabul komissiyalar tomonidan qonun hujjatlarida belgilangan tartibda tanlov asosida amalga oshiriladi.

Tayanch doktoranturada o‘qishga talabgorlarni tanlab olish kirish imtihonlari natijalariga ko‘ra, doktoranturaga esa — suhbat natijalariga ko‘ra amalga oshiriladi.

Mustaqil izlanuvchilik institutiga rasmiylashtirish suhbat natijalariga ko‘ra amalga oshiriladi.

8. Oliy o'quv yurtidan keyingi ta'lim institutlariga xorijiy fuqarolarni va fuqaroligi bo'lmagan shaxslarni qabul qilish qonun hujjatlariga va/yoki O'zbekiston Respublikasining xalqaro shartnomalariga muvofiq to'lov-kontrakt asosida amalga oshiriladi.

*Oldingi tahrirga qarang.*

O'zbekiston Respublikasida yashash guvohnomasiga yoki investitsiya vizasiga ega bo'lgan xorijiy investorlar hamda ularning oila a'zolari O'zbekiston Respublikasi fuqarolari uchun nazarda tutilgan shartlarda oliy o'quv yurtidan keyingi tashkilotlarga o'qishga kirishga va ta'lim olishga haqlidir.

*(8-band O'zbekiston Respublikasi Vazirlar Mahkamasining 2019-yil 11-oktabrdagi 864-sonli qaroriga asosan xatboshi bilan to'ldirilgan — Qonun hujjatlari ma'lumotlari milliy bazasi, 12.10.2019-y., 09/19/864/3902-son)*

### **3-bob. Oliy o'quv yurtidan keyingi ta'lim institutlariga kiruvchi talabgorlarga qo'yiladigan talablar**

9. Falsafa doktori (PhD) ilmiy darajasini olish uchun tayanch doktoranturaga kiruvchi yoki mustaqil izlanuvchi sifatida rasmiylashtiriluvchi shaxslar quyidagi talablarga javob berishi lozim:

magistr darajasi yoki klinik ordinatura (tibbiyot fanlari uchun),yoki oliy ma'lumot (mutaxassislik dasturlari bo'yicha) to'g'risidagi diplomga ega bo'lish;

falsafa doktori (PhD) ilmiy darajasini olish uchun dissertatsiya tadqiqoti asosini tashkil qilishi mumkin bo'lgan muayyan ilmiy natijalarga, shu jumladan, ilmiy jurnallar va nashrlarda chop etilgan kamida bitta ilmiy maqolaga hamda ilmiy-amaliy konferensiyalar, seminarlarda, tegishli ilmiy yo'nalishlar bo'yicha ilmiy ishlar to'plamlarida kamida ikkita tezisga ega bo'lish;

Falsafa doktori (PhD) ilmiy darajasini olish uchun mustaqil izlanuvchilikka ikki yildan kam bo'lmagan ilmiy-pedagogik stajga yoki aniq ilmiy yutuqqa (ixtiroga patent yoki mualliflik guvohnomasi) ega bo'lgan shaxslar rasmiylashtiriladi.

10. Fan doktori (DSc) ilmiy darajasini olish uchun doktoranturaga kiruvchi yoki mustaqil izlanuvchi sifatida rasmiylashtiriluvchi shaxslar quyidagi talablarga javob berishi kerak:

fan nomzodi yoki falsafa doktori (PhD) yoki unga tenglashtirilgan xorijiy mamlakatlarda olingan ilmiy darajalar;

fan nomzodi yoki falsafa doktori (PhD) ilmiy darajasini olgandan so'ng muhim ilmiy yutuqlarga erishish, shu jumladan, fan doktori (DSc) ilmiy darajasini olish uchun dissertatsiya tadqiqoti asosini tashkil qilishi mumkin bo'lgan ilmiy jurnallarda chop etilgan kamida uchta ilmiy maqolaga hamda ilmiy-amaliy konferensiyalar, seminarlar va tegishli ilmiy yo'nalishlar bo'yicha ilmiy ishlar to'plamlarida kamida ikkita tezisga ega bo'lish.

11. Tibbiyot fanlari bo'yicha oliy o'quv yurtidan keyingi ta'lim institutiga qabul qilishda OTM yoki ITMning Kollegial organi qarori bilan talabgordan klinik ordinatura (magistraturani) yoki ilmiy darajani olganidan so'ng ilmiy, ilmiy-pedagogik yoki amaliy ish stajiga (ikkita yildan to'rt yilgacha bo'lgan muddatda) ega bo'lishi talab etilishi mumkin.

12. Oliy o'quv yurtidan keyingi ta'lim institutiga qabul qilinadigan talabgorlarning tayanch mutaxassisligi oliy o'quv yurtidan keyingi ta'lim institutidagi ixtisoslik tegishli bo'lgan fan tarmog'iga muvofiq bo'lishi kerak.

Mutaxassisliklar muvofiq bo'lmaganda dissertatsiyalarni tayyorlash va himoya qilish masalalari Oliy o'quv yurtidan keyingi ta'lim to'g'risidagi Nizom bilan tartibga solinadi.

### **4-bob. Oliy o'quv yurtidan keyingi ta'lim institutlarida o'qishga qo'yiladigan talablar**

13. Doktorant va mustaqil izlanuvchilar Kollegial organ qarori bilan tasdiqlanadigan individual reja muvofiq ravishda ta'lim oladilar.

14. Individual reja oliy o'quv yurtidan keyingi ta'lim institutida o'qishning butun davri uchun tuziladi.

15. Oliy malakali ilmiy va ilmiy-pedagog kadrlarni sifatli tayyorlashni ta'minlash, shuningdek dissertatsiya tadqiqotlarini olib borishda ularga ilmiy va o'quv-metodik yordam ko'rsatish maqsadida Kollegial organ qarori bilan:

falsafa doktori (PhD) ilmiy darajasi izlanuvchilariga ilmiy rahbarlar tayinlanadi;

fan doktori (DSc) ilmiy darajasi izlanuvchilariga ilmiy konsultantlar tayinlanadi(mazkur bandning oltinchi bandi bundan mustasno).

Ilmiy rahbarlar etib, faol tarzda ilmiy va ilmiy-pedagogik faoliyat olib boruvchi fan doktori, shuningdek ilmiy unvonga ega bo'lgan fan nomzodi yoki falsafa doktorlari (PhD) tayinlanishi mumkin.

Faol tarzda ilmiy va ilmiy-pedagogik faoliyat olib boruvchi fan doktorlari ilmiy konsultantlar bo'lishi mumkin.

Fan doktori (DSc) ilmiy darajasini olish uchun dissertatsiya tadqiqotlarini, izlanuvchining xohishiga ko'ra, ilmiy konsultantsiz ham olib borish mumkin.

16. Falsafa doktori (PhD) ilmiy darajasini olishda dissertatsiya himoyasiga qadar izlanuvchilar:

ixtisoslik hamda chet tili bo'yicha malakaviy imtihon topshirishi;

dissertatsiya natijalarining xalqaro va respublika ilmiy va ilmiy-amaliy konferensiyalarida keng muhokama qilinishini ta'minlashi;

OAK tomonidan belgilangan ilmiy jurnallarda chop etilgan dissertatsiyasining asosiy natijalarini aks ettiradigan kamida uchta (shu jumladan bittasi xorijda) ilmiy maqolaga ega bo'lishi shart.

17. Fan doktori (DSc) ilmiy darajasi uchun dissertatsiya himoya qilishgacha izlanuvchilar:

dissertatsiya natijalarining xalqaro va respublika ilmiy va ilmiy-amaliy konferensiyalarida keng muhokama qilinishini ta'minlashi;

OAK tomonidan belgilangan ilmiy jurnallarda chop etilgan dissertatsiyasining asosiy natijalarini aks ettiradigan kamida o'nta (shu jumladan bittasi xorijda) ilmiy maqolaga ega bo'lishi shart.

Ijtimoiy-gumanitar fanlar bo'yicha fan doktori (DSc) ilmiy darajasi uchun izlanuvchilar dissertatsiya natijalari bo'yicha monografiya chop etgan bo'lishi lozim.

### **5-bob. Dissertatsiyaga qo'yiladigan talablar**

18. Dissertatsiyani rasmiylashtirish va uni himoya qilish izlanuvchining xohishiga ko'ra o'zbek, rus, qoraqalpoq va ingliz tillaridan biri yoki OAK bilan kelishilgan holda boshqa tilda amalga oshiriladi.

19. Falsafa doktori (PhD) ilmiy darajasini olish uchun taqdim etilgan dissertatsiya bilimlarning tegishli tarmog'ida muhim ahamiyatga ega masalaning yangi yechimidan iborat yoki dolzarb ilmiy masalaning yechimiga qaratilgan ilmiy asoslangan ilmiy-texnik yoki ijtimoiy-iqtisodiy tavsiyalar ishlab chiqilgan tugallangan shakldagi ilmiy ish bo'lishi lozim.

20. Fan doktori (Doctor of Science) ilmiy darajasini olish uchun taqdim etilgan dissertatsiya tugallangan ilmiy ish bo'lishi va unda:

muhim ijtimoiy-iqtisodiy, ilmiy yoki amaliy muammolar yechimi keltirilgan;

yoki tegishli fan sohasining istiqbolli yo'nalishini rivojlantirish uchun yirik yutuq sifatida baholanadigan yangi nazariy qoidalar kompleksi ishlab chiqilgan;

yoki joriy etilishi fan va texnika, ijtimoiy-siyosiy soha yoki iqtisodiyot tarmog'ining rivojlanishiga salmoqli hissa qo'shadigan nazariy-metodologik va uslubiy asoslar, ilmiy asoslangan texnik, iqtisodiy yoki texnologik yechimlar ishlab chiqilgan (takomillashtirilgan) bo'lishi lozim.

21. Dissertatsiya va dissertatsiya avtoreferatini rasmiylashtirish qoidalari OAK tomonidan belgilanadi.

### **6-bob. Oliy malakali ilmiy va ilmiy-pedagog kadrlarga qo'yiladigan umumiy malaka talablari**

22. Quyidagilar oliy malakali ilmiy va ilmiy-pedagog kadrlar tayyorgarligining zaruriy va yetarli darajasini belgilaydigan asosiy talablar hisoblanadi:

a) falsafa doktorlari uchun (PhD):

umumilmiy va aniq tarmoq tadqiqotlarining metodologiyasini egallagani, muammoni malakali tarzda aniqlashi va asoslay olishi, ilmiy ma'lumotlar va materiallarni maqsadli tarzda izlay olishi, tahlil qilishi, tizimlashtirishi va umumlashtirish qobiliyatiga ega bo'lishi;

tadqiqot natijalariga asoslanib muammo mazmunini bayon qila bilishni, ilmiy xulosalar va tavsiyalarni aniq va lo'nda ifodalay olishi;  
ilmiy natijalarni amaliyotda joriy etish uchun taqdim qila olishi;  
b) fan doktorlari uchun (DSc):  
ixtisoslik bo'yicha chuqur fundamental bilimlarga ega bo'lishi;  
fundamental tadqiqotlarni yuqori saviyada bajara olishi va muhim ijtimoiy-iqtisodiy ahamiyatga ega ilmiy-amaliy muammolarni echa olishi;  
ilmiy natijalarni amaliyotga joriy etishi.

Vazirlar Mahkamasining 2017-yil 22-maydagi 304-son qaroriga  
2-ILOVA

## Oliy o'quv yurtidan keyingi ta'lim to'g'risida

### NIZOM

#### 1-bob. Umumiy qoidalar

1. Ushbu Nizom oliy o'quv yurtidan keyingi ta'lim institutida tahsil olishni tashkil etish va o'qish tartibini belgilaydi.

2. Mazkur Nizomda quyidagi asosiy tushunchalar qo'llaniladi:

**oliy o'quv yurtidan keyingi ta'lim** — jamiyatning oliy malakali ilmiy va ilmiy-pedagog kadrlarga ehtiyojini ta'minlashga yo'naltirilgan uzluksiz ta'lim turi;

**oliy o'quv yurtidan keyingi ta'lim instituti** — OTM yoki ITMda tayanch doktorantura, doktorantura yoki mustaqil izlanuvchilik shakllaridagi oliy o'quv yurtidan keyingi ta'limni amalga oshirish tizimi;

*Oldingi tahrirga qarang.*

**tayanch doktorantura** — ishlab chiqarishdan ajralgan holda mutaxassislikni chuqur o'rganish va doktorlik dissertatsiyasini tayyorlash hamda himoya qilish maqsadida ular tomonidan ilmiy izlanishlar olib borish bo'yicha falsafa doktori (PhD) ilmiy darajasi izlanuvchilari uchun OTM va ITMlarida oliy malakali ilmiy va ilmiy-pedagog kadrlar ixtisosliklari bo'yicha tashkil etiladigan oliy o'quv yurtidan keyingi ta'lim shakli;

*(2-bandning to'rtinchi xatboshisi O'zbekiston Respublikasi Vazirlar Mahkamasining 2019-yil 17-avgustdagi 684-sonli qarori tahririda — Qonun hujjatlari ma'lumotlari milliy bazasi, 17.08.2019-y., 09/19/684/3601-son)*

*Oldingi tahrirga qarang.*

**doktorantura** — ishlab chiqarishdan ajralgan holda mutaxassislikni chuqur o'rganish va doktorlik dissertatsiyasini tayyorlash hamda himoya qilish maqsadida ular tomonidan ilmiy izlanishlar olib borish bo'yicha fan doktori (DSc) ilmiy darajasi izlanuvchilari uchun OTM va ITMlarida oliy malakali ilmiy va ilmiy-pedagog kadrlar ixtisosliklari bo'yicha tashkil etiladigan oliy o'quv yurtidan keyingi ta'lim shakli;

*(2-bandning beshinchi xatboshisi O'zbekiston Respublikasi Vazirlar Mahkamasining 2019-yil 17-avgustdagi 684-sonli qarori tahririda — Qonun hujjatlari ma'lumotlari milliy bazasi, 17.08.2019-y., 09/19/684/3601-son)*

**mustaqil izlanuvchilik** — ishlab chiqarishdan ajralmagan holda doktorlik dissertatsiyasini tayyorlash va himoya qilish maqsadida mutaxassislikni chuqur o'rganish va ular tomonidan ilmiy izlanishlar bo'yicha falsafa doktori (PhD) yoki fan doktori (DSc) ilmiy darajalari izlanuvchilari uchun OTM va ITMlarda tashkil etiladigan oliy malakali ilmiy va ilmiy-pedagog kadrlar bo'yicha oliy o'quv yurtidan keyingi ta'lim shakli;

**doktorant** — OTM yoki ITMga tayanch doktorantura yoki doktoranturaga belgilangan tartibda qabul qilingan shaxs;

**mustaqil izlanuvchi** — OTM yoki ITMga mustaqil izlanuvchilikka belgilangan tartibda qabul qilingan shaxs;

**izlanuvchi** — falsafa doktori (PhD) yoki fan doktori (DSc) ilmiy darajasini olish uchun doktorlik dissertatsiyasini tayyorlayotgan shaxs.

3. Oliy o‘quv yurtidan keyingi ta’lim institutida ta’lim quyidagi shakllarda tashkil etiladi:  
tayanch doktorantura;  
doktorantura;  
mustaqil izlanuvchilik.

4. Oliy o‘quv yurtidan keyingi ta’lim instituti yetakchi OTM va ITM huzurida fan va texnikaning muhim tarmoqlarida oliy malakali ilmiy va ilmiy-pedagogik kadrlar tayyorlash, shuningdek fan va texnologiyalarning ustuvor yo‘nalishlarida fundamental tadqiqotlarni rivojlantirish, davlat ilmiy-texnika dasturlarini amalga oshirish maqsadida ochiladi.

*Oldingi tahrirga qarang.*

5. Xorijiy fuqarolar va fuqaroligi bo‘lmagan shaxslarni (O‘zbekiston Respublikasi hududida istiqomat qilayotgan fuqaroligi bo‘lmagan shaxslar bundan mustasno) oliy o‘quv yurtidan keyingi ta’lim institutlariga o‘qishga qabul qilish O‘zbekiston Respublikasi qonunchiligiga va/yoki xalqaro shartnomalarga muvofiq to‘lov-kontrakt asosida amalga oshiriladi.

O‘zbekiston Respublikasi hududida istiqomat qilayotgan fuqaroligi bo‘lmagan shaxslar oliy o‘quv yurtidan keyingi ta’lim institutlariga o‘qishga fuqarolar bilan teng huquqlarda qabul qilinadi.

*(5-band O‘zbekiston Respublikasi Vazirlar Mahkamasining 2019-yil 19-iyuldagi 606-sonli qarori tahririda — Qonun hujjatlari ma’lumotlari milliy bazasi, 22.07.2019-y., 09/19/606/3457-son)*

*Oldingi tahrirga qarang.*

O‘zbekiston Respublikasida yashash guvohnomasiga yoki investitsiya vizasiga ega bo‘lgan xorijiy investorlar hamda ularning oila a‘zolari O‘zbekiston Respublikasi fuqarolari uchun nazarda tutilgan shartlarda oliy o‘quv yurtidan keyingi tashkilotlarga o‘qishga kirishga va ta’lim olishga haqlidir.

*(5-band O‘zbekiston Respublikasi Vazirlar Mahkamasining 2019-yil 11-oktabrdagi 864-sonli qaroriga asosan xatboshi bilan to‘ldirilgan — Qonun hujjatlari ma’lumotlari milliy bazasi, 12.10.2019-y., 09/19/864/3902-son)*

6. Oliy o‘quv yurtidan keyingi ta’lim institutiga qabul qilinayotgan magistr yoxud klinik ordinaturaga (tibbiyot fanlari uchun) yoki mutaxassislik dasturlari bo‘yicha olingan oliy ma’lumot to‘g‘risidagi diplomga ega bo‘lish, fan nomzodi, falsafa doktori (PhD) yoki unga tenglashtirilgan xorijiy mamlakatlarda ilmiy darajaga ega bo‘lganlar mutaxassisligi oliy o‘quv yurtidan keyingi ta’lim ixtisosligi tegishli bo‘lgan fan sohasiga muvofiq bo‘lishi shart. Fan sohalari mos kelmaganda yoki oliy o‘quv yurtidan keyingi ta’limni fanning turdosh sohalari bo‘yicha olish rejalashtirilganda talabgorlar O‘zbekiston Respublikasi Vazirlar Mahkamasi huzuridagi Oliy attestatsiya komissiyasi (keyingi o‘rinlarda OAK deb ataladi) belgilagan fanlar bo‘yicha qo‘shimcha imtihonlar topshirishi lozim.

*Oldingi tahrirga qarang.*

Shu bilan birga, tibbiyot, farmatsevtika, veterinariya mutaxassisliklar bo‘yicha oliy o‘quv yurtidan keyingi ta’lim institutiga fanning turdosh sohalari bo‘yicha qabul qilinishga yo‘l qo‘yilmaydi.

*(6-bandning ikkinchi xatboshisi O‘zbekiston Respublikasi Vazirlar Mahkamasining 2017-yil 8-noyabrdagi 898-sonli qarori tahririda — Qonun hujjatlari ma’lumotlari milliy bazasi, 09.11.2017-y., 09/17/898/0234-son)*

Bakalavriat ta’limi yo‘nalishi va magistratura mutaxassisligi ta’limning turli sohalariga tegishli bo‘lganda, OAK tomonidan belgilangan fanlar bo‘yicha qo‘shimcha imtihonlar topshirish sharti bilan, bakalavriat ta’limining yo‘nalishiga tegishli bo‘lgan ta’lim sohasiga muvofiq bo‘lgan mutaxassislik bo‘yicha falsafa doktori (PhD) ilmiy darajasini olish uchun doktorlik dissertatsiyasining belgilangan tartibda tayyorlanishiga va himoya qilinishiga yo‘l qo‘yiladi.

7. Oliy malakali ilmiy va ilmiy-pedagogik kadrlarni sifatli tayyorlashni ta’minlash, shuningdek dissertatsiya tadqiqotlarni o‘tkazishda ularga ilmiy va o‘quv-uslubiy yordam ko‘rsatish maqsadida falsafa doktori (PhD) ilmiy darajasini olish istagidagi talabgorlar Kollegial organ qarori bilan ilmiy rahbarlarga, fan doktori (DSc) ilmiy darajasini olish istagidagi talabgorlar esa — ilmiy maslahatchilarga birlashtiriladi.

Fan doktori (DSc) ilmiy darajasini olish uchun tayyorlanadigan dissertatsiya tadqiqotlari ilmiy maslahatchini tayinlanmasdan ham amalga oshirilishi mumkin.

*Oldingi tahrirga qarang.*

8. Fan doktori bir vaqtning o'zida uchtdan ko'p bo'lmagan izlanuvchilarga ilmiy rahbar va maslahatchi bo'lishi mumkin. So'nggi uch yilda izlanuvchilari o'z vaqtida himoya qilgan ilmiy rahbar va ilmiy maslahatchilarga OTM yoki ITIning kollegial organi xulosasi asosida beshtadan ko'p bo'lmagan izlanuvchilar birlashtirilishi mumkin.

*(8-bandning birinchi xatboshisi O'zbekiston Respublikasi Vazirlar Mahkamasining 2019-yil 19-iyuldagi 606-sonli qarori tahririda — Qonun hujjatlari ma'lumotlari milliy bazasi, 22.07.2019-y., 09/19/606/3457-son)*

*Oldingi tahrirga qarang.*

Ilmiy unvoni bo'lgan fan nomzodi yoki falsafa doktori (PhD) ilmiy rahbarlik yoki ilmiy maslahatchi faoliyati samaradorligi tahlili asosida Kollegial organ tavsiyasiga ko'ra bir vaqtning o'zida faqat ikki nafar tayanch doktorantga va mustaqil izlanuvchiga ilmiy rahbar etib birlashtirilishi mumkin;

*(8-bandning ikkinchi xatboshisi O'zbekiston Respublikasi Vazirlar Mahkamasining 2019-yil 17-avgustdagi 684-sonli qarori tahririda — Qonun hujjatlari ma'lumotlari milliy bazasi, 17.08.2019-y., 09/19/684/3601-son)*

Xorijiy fuqarolarga yoki fuqaroligi bo'lmagan izlanuvchilarga o'rnatilgan me'yordan ortiq ilmiy rahbar yoki konsultantlar tayinlanishi mumkin.

## **2-bob. Oliy o'quv yurtidan keyingi ta'lim institutlarini ochish tartibi**

9. OTM va ITM o'zlari tizimiga kiradigan tegishli vazirliklar, idoralar va tashkilotlarga tayanch doktorantura yoki doktoranturani ochishning maqsadga muvofiqligi to'g'risida quyidagi hujjatlar bilan murojaat qiladi:

oliy o'quv yurtidan keyingi ta'lim institutini ochish bo'yicha muassasaning muvofiqlashtiruvchi-kollegial organining (keyingi o'rinlarda Kollegial organ deb yuritiladi) (ilmiy kengash, kengash, ilmiy-texnik kengash, ilmiy-muvofiqlashtiruvchi kengash va h.k.) tegishli qarori;

Nizomning **ilovasiga** muvofiq tegishli mutaxassisliklar bo'yicha tadqiqot olib boruvchi fan nomzodi, falsafa doktori (PhD), fan doktorlari to'g'risidagi kadrlar bo'limi tomonidan tasdiqlangan ma'lumot;

shuningdek, oliy o'quv yurtidan keyingi ta'lim faoliyatini sifatli ta'minlashda moddiy-texnik baza mavjudligi to'g'risidagi ma'lumotlar.

10. Tasarrufida OTM va ITM bo'lgan vazirlik, idora va tashkilotlar murojaat tushgan va barcha zarur hujjatlar taqdim etilgan sanadan boshlab bir oy muddatda tayanch doktorantura yoki doktoranturani ochish yoki ochishni rad etish to'g'risida qaror qabul qiladilar. Qabul qilingan qaror o'n kun muddatda tegishli OTM va ITMga yuboriladi.

*Oldingi tahrirga qarang.*

Oliy o'quv yurtidan keyingi ta'lim institutini ochish to'g'risidagi qarorning nusxasi axborot uchun OAK va O'zbekiston Respublikasi Innovatsion rivojlanish vazirligiga, shuningdek oliy o'quv yurtidan keyingi ta'lim institutini akkreditatsiya qiluvchi davlat vakolatli organiga ham yuboriladi.

*(10-bandning ikkinchi xatboshisi O'zbekiston Respublikasi Vazirlar Mahkamasining 2018-yil 14-fevraldagi 109-sonli qarori tahririda — Qonun hujjatlari ma'lumotlari milliy bazasi, 15.02.2018-y., 09/18/109/0699-son)*

O'zlarida oliy o'quv yurtidan keyingi ta'lim institutlari ochilgan OTM yoki ITIlar ham mustaqil izlanuvchilik tartibida oliy malakali ilmiy va ilmiy-pedagog kadrlar tayyorlashi mumkin.

11. OTM yoki ITMdagi oliy o'quv yurtidan keyingi ta'lim institutlarini akkreditatsiyadan o'tkazish qonun hujjatlarida belgilangan tartibda davlat vakolatli organlari tomonidan amalga oshiriladi.

*Oldingi tahrirga qarang.*

12. O‘zbekiston Respublikasi Innovatsion rivojlanish vazirligi oliy malakali ilmiy va ilmiy-pedagog kadrlar tayyorlash masalalarida tasarrufida OTM va ITMlariga ega vazirlik va idoralarning faoliyatini muvofiqlashtiradi.

*(12-band O‘zbekiston Respublikasi Vazirlar Mahkamasining 2018-yil 14-fevraldagi 109-sonli qarori tahririda — Qonun hujjatlari ma‘lumotlari milliy bazasi, 15.02.2018-y., 09/18/109/0699-son)*

### **3-bob. Oliy o‘quv yurtidan keyingi ta‘limni tayanch doktorantura va doktorantura shaklida tashkil etish**

*Oldingi tahrirga qarang.*

13. Tayanch doktorantura va doktoranturaga O‘zbekiston Respublikasi Davlat budjeti mablag‘lari hisobiga va to‘lov-kontrakt asosida o‘qitish uchun qabul kvotasi (keyingi o‘rinlarda qabul kvotasi deb ataladi), qoida tariqasida, tegishli o‘quv yili uchun tasdiqlangan oliy ta‘lim muassasalariga davlat buyurtmasi asosida magistratura mutaxassisliklariga o‘qishga qabul qilish umumiy parametrlarining 30 foizidan kam bo‘lmagan miqdorda belgilanadi.

Tasarrufida OTM yoki ITM bo‘lgan vazirliklar, idoralar va tashkilotlar har yili 15-maygacha bo‘lgan muddatda O‘zbekiston Respublikasi Innovatsion rivojlanish vazirligiga yuqori malakali ilmiy va ilmiy-pedagogik kadrlarga bo‘lgan ehtiyojlar, amaldagi oliy o‘quv yurtidan keyingi ta‘lim institutlarining samaradorligi, ta‘lim olayotgan doktorantlar va mustaqil izlanuvchilar kontingenti, ilmiy rahbarlar va ilmiy konsultantlarning samarali ishlari, shuningdek, mazkur Nizomda belgilangan bitta ilmiy rahbar va bitta ilmiy konsultantga biriktiriladigan doktorantlar sonidan kelib chiqib, keyingi yildan boshlab tayanch doktoranturaga, doktoranturaga qabul kvotasi bo‘yicha asoslangan takliflar bilan murojaat qiladilar.

*(13-band O‘zbekiston Respublikasi Vazirlar Mahkamasining 2019-yil 17-avgustdagi 684-sonli qarori tahririda — Qonun hujjatlari ma‘lumotlari milliy bazasi, 17.08.2019-y., 09/19/684/3601-son)*

*Oldingi tahrirga qarang.*

14. Vazirliklar, idoralar va tashkilotlar bo‘yicha qabul kvotasi O‘zbekiston Respublikasi Innovatsion rivojlanish vazirligi tomonidan O‘zbekiston Respublikasi Moliya vazirligi va Iqtisodiyot vazirligi bilan kelishgan holda tasdiqlanadi va har yili 1-iyundan kechikmasdan tegishli ravishda tasarrufida OTM yoki ITM bo‘lgan vazirliklar, idoralar va tashkilotlarga yuboriladi.

*(14-bandning birinchi xatboshisi O‘zbekiston Respublikasi Vazirlar Mahkamasining 2018-yil 14-fevraldagi 109-sonli qarori tahririda — Qonun hujjatlari ma‘lumotlari milliy bazasi, 15.02.2018-y., 09/18/109/0699-son)*

Vazirliklar, idoralar va tashkilotlar idoraviy mansub OTM va ITM bo‘yicha akkreditatsiyadan o‘tgan mutaxassisliklar bo‘yicha qabul kvotasini taqsimlaydi.

Vazirlik, idora va tashkilotlar tegishli ixtisoslik bo‘yicha tasdiqlangan qabul kvotasi to‘g‘risidagi ma‘lumotni tasarrufida bo‘lgan OTM va ITMga har yili 15-iyungacha yetkazadilar.

*Oldingi tahrirga qarang.*

O‘zbekiston Respublikasi Innovatsion rivojlanish vazirligi tasdiqlangan qabul kvotasi asosida har yili 15-iyungacha bo‘lgan muddatda O‘zbekiston Respublikasi Moliya vazirligiga keyingi yil uchun budget buyurtmanomasini taqdim etadi.

*(14-bandning to‘rtinchi xatboshisi O‘zbekiston Respublikasi Vazirlar Mahkamasining 2018-yil 14-fevraldagi 109-sonli qarori tahririda — Qonun hujjatlari ma‘lumotlari milliy bazasi, 15.02.2018-y., 09/18/109/0699-son)*

*Oldingi tahrirga qarang.*

OTM va ITM vazirlik va idora tomonidan budget mablag‘lari hisobidan ajratilgan kvotalardan tashqari ehtiyoj bo‘lgan yo‘nalishlariga izlanuvchining to‘lov-kontrakt mablag‘lari hisobidan qo‘shimcha qabul kvotasini shakllantirishi mumkin. To‘lov-kontrakt summasi OTM va ITM tegishli bo‘ysunuvidagi vazirlik, idora va tashkilot tomonidan belgilanadi.

*(14-band O‘zbekiston Respublikasi Vazirlar Mahkamasining 2019-yil 19-iyuldagi 606-sonli qaroriga asosan xatboshi bilan to‘ldirilgan — Qonun hujjatlari ma‘lumotlari milliy bazasi, 22.07.2019-y., 09/19/606/3457-son)*

15. OTM va ITMlar har yili 1-sentabrdan kechikmasdan ommaviy axborot vositalarida qabul kvotalariga muvofiq hujjatlarni qabul qilish muddatlarini, talab qilinadigan hujjatlar,



topshiriladigan imtihonlar ro'yxatini va qabul kvotasi miqdorini ko'rsatgan holda tayanch doktorantura va doktoranturada o'qish uchun talabgorlarning hujjatlarini qabul qilish to'g'risida e'lon beradi.

Hujjatlar OTM va ITM qabul komissiyasi tomonidan 15-sentabrdan 15-oktabrgacha bo'lgan davrda qabul qilinadi.

16. Tayanch doktoranturaga quyidagilarga ega bo'lganlar qabul qilinadi:

magistr darajasiga yoxud klinik ordinaturani tugatgan (tibbiyot fanlari uchun), oliy ma'lumot to'g'risidagi diplom (mutaxassislik dasturlari bo'yicha) ega bo'lganlar;

falsafa doktori (PhD) ilmiy darajasini olish uchun dissertatsiya tadqiqoti asosini tashkil qilishi mumkin bo'lgan ilmiy natijalar, shu jumladan ilmiy jurnallarda chop etilgan kamida bitta maqola hamda tegishli yo'nalishlar bo'yicha ikkitadan kam bo'lmagan ilmiy ishlar to'plamlariga kiritilgan ma'ruza tezislarga ega bo'lganlar.

17. OTM va ITMlarda rektor (direktor) raisligida qabul komissiyasi tuziladi. Qabul komissiyasi a'zolari rektor (direktor) tomonidan tegishli ixtisoslik bo'yicha yetakchi olimlar orasidan tayinlanadi.

Ixtisoslik bo'yicha imtihonlarni topshirishda qabul komissiyasi tarkibida kamida bitta fan doktori yoki professor bo'lishi zarur, komissiyaning qolgan a'zolari fan nomzodlari yoki falsafa doktorlari (PhD) bo'lishi mumkin.

18. Tayanch doktoranturada o'qishga talabgorlar OTM yoki ITMga quyidagi hujjatlarni taqdim etadilar:

ariza;

qisqacha biografik ma'lumotnoma;

mehnat daftarchasining belgilangan tartibda tasdiqlangan nusxasi (ishlayotgan talabgorlar uchun);

oliy ta'lim muassasasi magistraturasi diplomi yoki klinik ordinaturani tugatganlik (tibbiyot fanlari uchun), oliy ma'lumot (mutaxassislik dasturlari bo'yicha) to'g'risidagi diplom nusxasi;

nashr etilgan ilmiy ishlar ro'yxati, shuningdek ularning nusxalari.

O'zbekiston Respublikasi Prezidenti Davlat stipendiyasi sohiblari tegishli hujjat nusxasini taqdim etadilar.

19. Doktoranturaga quyidagilarga ega bo'lganlar qabul qilinadi:

fan nomzodi yoki falsafa doktori (PhD) yoxud ularga tenglashtirilgan xorijiy davlatlarda olingan ilmiy darajalar;

fan nomzodi yoki falsafa doktori (PhD) ilmiy darajasi yoxud ularga tenglashtirilgan boshqa ilmiy darajalar olgandan so'ng muhim ilmiy yutuqlarga erishish, shu jumladan, fan doktori (DSc) ilmiy darajasini olish uchun dissertatsiya tadqiqoti asosini tashkil qilishi mumkin bo'lgan ilmiy jurnallarda chop etilgan kamida uchta ilmiy maqolaga hamda ilmiy-amaliy konferensiyalar, seminarlar va tegishli ilmiy yo'nalishlar bo'yicha ilmiy ishlar to'plamlarida kamida ikkita tezisga ega bo'lish.

20. Doktoranturada o'qishga talabgorlar OTM yoki ITMga quyidagi hujjatlarni taqdim etadilar:

ariza;

qisqacha biografik ma'lumotnoma;

mehnat daftarchasining belgilangan tartibda tasdiqlangan nusxasi (ishlayotgan talabgorlar uchun);

oliy ma'lumot, fan nomzodi yoxud falsafa doktori (PhD) yoki xorijiy davlatlarda unga tenglashtirilgan ilmiy darajaga ega bo'lganligi to'g'risidagi diplom nusxasi;

tadqiqot mavzusi bo'yicha ilmiy ma'ruza va fan doktori (DSc) ilmiy darajasini olish uchun tayyorlangan doktorlik dissertatsiyasi rejasining mufassal loyihasi;

nashr etilgan ilmiy ishlar ro'yxati, shuningdek ularning nusxalari.

21. Tibbiyot fanlari bo'yicha oliy o'quv yurtidan keyingi ta'lim institutlariga qabul qilishda OTM yoki ITM ning Kollegial organi qarori bilan talabgordan klinik ordinatura (magistraturani)

yoki ilmiy darajani olganidan so'ng ilmiy, ilmiy-pedagogik yoki amaliy ish stajiga (ikki yildan to'rt yilgacha bo'lgan muddatda) ega bo'lishi talab etilishi mumkin.

22. Tayanch doktoranturada o'qish uchun talabgorlar mutaxassislik va chet tili (ta'limning oldingi darajalarida o'rganilgan xorijiy til) bo'yicha kirish imtihonlari topshiradilar. Talabgorlarda IELTS (o'rtacha balli kamida 5,5), TOEFL (RVT) (567 balldan kam bo'lmagan), TOEFL (iBT) (87 balldan kam bo'lmagan), CEFR (V2 darajadan past bo'lmagan) bo'yicha tasdiqlovchi amaldagi xalqaro malaka sertifikatlari mavjud bo'lganda chet tilidan topshiriladigan imtihonlardan ozod etiladi.

Kirish imtihonlari savollari OTM yoki ITMning qabul komissiyasi tomonidan mutaxassislikning mohiyatidan kelib chiqib tuziladi va Kollegial organ tomonidan tasdiqlanadi.

Doktoranturada o'qish uchun kirayotgan talabgorlar Kollegial organ tomonidan ixtisoslik bo'yicha suhbatdan o'tadilar.

23. Tayanch doktoranturaga kirish imtihonlari va doktoranturaga kirish uchun suhbat har yili 1 — 25-noyabr davrida o'tkaziladi.

*Oldingi tahrirga qarang.*

24. Tayanch doktoranturaga va doktoranturaga kiruvchi talabgorlarning kirish imtihonlari, suhbat natijalaridan va ajratilgan qabul kvotasidan kelib chiqib, qabul komissiyasi va (yoki) Kollegial organ tomonidan 30-noyabrgacha bo'lgan muddatda qabul qilinganlardan tanlanadi.

O'zbekiston Respublikasi Prezidentining Davlat stipendiyalari sohiblari tayanch doktoranturaga kirish imtihonlariciz qabul qilinadi.

Bir necha talabgorlarning tayanch doktoranturaga va doktoranturaga kirish imtihonlari yoki suhbat natijalari bo'yicha ular tomonidan to'plangan yakuniy ballari teng bo'lgan taqdirda quyidagi talabgorlarga ustunlik beriladi:

a) tayanch doktoranturaga:

magistraturani a'lo baholar bilan tamomlaganlar;

mualliflik guvohnomalari va patentga ega bo'lganlar;

jurnallarda, shu jumladan xorijiy jurnallarda ilmiy maqolalar chop etganlar;

b) doktoranturaga:

5 yildan ortiq ilmiy-pedagogik stajga ega bo'lganlar;

mualliflik guvohnomalari va patentga ega bo'lganlar;

monografiya (ijtimoiy-gumanitar fanlar uchun), talabgorning dissertatsiya mavzusi bo'yicha OAK ro'yxatiga muvofiq ilmiy jurnallarda, shu jumladan xorijiy jurnallarda chop etilgan soni bo'yicha (boshqa talabgorlarga nisbatan) ko'p miqdorda ilmiy maqolaga ega bo'lganlar; dissertatsiya tadqiqoti hajmining 50 foizdan ko'p qismini bajarganlar.

*(24-band O'zbekiston Respublikasi Vazirlar Mahkamasining 2019-yil 17-avgustdagi 684-sonli qarori tahririda — Qonun hujjatlari ma'lumotlari milliy bazasi, 17.08.2019-y., 09/19/684/3601-son)*

25. Qabul komissiyasi tayanch doktoranturada ta'lim oluvchilarning kirish imtihonlari natijalarini majlis protokoli bilan rasmiylashtiradi va besh kun muddatda Kollegial organga tasdiqlash uchun kiritadi. Doktoranturada ta'lim oluvchi talabgorlar bo'yicha o'tkazilgan suhbat natijalari ham Kollegial organ qarori bilan tasdiqlanadi

Shu bilan birga, Kollegial organ qarorida tayanch doktorantura va doktoranturaga qabul qilinganlarning doktorlik dissertatsiyasi mavzulari tasdiqlanadi.

26. Tayanch doktorantura va doktoranturaga o'qishga qabul qilish OTM rektori yoki ITM direktori buyrug'i bilan har yili 5-dekabrgacha amalga oshiriladi. Bunda tayanch doktorantura va doktoranturada ta'lim olish keyingi yilning 1-yanvaridan boshlanadi.

O'qishga qabul qilish to'g'risidagi buyruqda ilmiy rahbarlar va ilmiy konsultantlar (konsultant bo'lgan taqdirda) ham belgilanadi.

27. Tayanch doktorantura va (yoki) doktoranturada o'qishga qabul qilinganlar, ularning tasdiqlangan mavzulari, ilmiy rahbarlari va ilmiy konsultantlari (konsultantlar tayinlangan holatlarda) to'g'risidagi ma'lumot:

OTM yoki ITM tomonidan — yuqori vazirlik, idora va tashkilotlarga har yili 10-dekabrgacha;

*Oldingi tahrirga qarang.*

vazirlik, idora va tashkilotlar tomonidan — har yili joriy yilning 15-dekabrigacha O‘zbekiston Respublikasi Innovatsion rivojlanish vazirligi va OAKga taqdim etiladi.

*(27-bandning uchinchi xatboshisi O‘zbekiston Respublikasi Vazirlar Mahkamasining 2018-yil 14-fevraldagi 109-sonli qarori tahririda — Qonun hujjatlari ma’lumotlari milliy bazasi, 15.02.2018-y., 09/18/109/0699-son)*

*Oldingi tahrirga qarang.*

Tasdiqlangan dissertatsiya mavzulari, ilmiy rahbar va ilmiy konsultantlar (konsultant tayinlangan holatlarda) to‘g‘risidagi ma’lumot O‘zbekiston Respublikasi Innovatsion rivojlanish vazirligining ma’lumotlar bazasiga kiritiladi, shuningdek OAKda ro‘yxatga olinadi va “OAK Byulleteni” jurnalida chop etiladi.

*(27-bandning to‘rtinchi xatboshisi O‘zbekiston Respublikasi Vazirlar Mahkamasining 2018-yil 14-fevraldagi 109-sonli qarori tahririda — Qonun hujjatlari ma’lumotlari milliy bazasi, 15.02.2018-y., 09/18/109/0699-son)*

28. Doktorant ilmiy rahbar va konsultant (konsultant tayinlangan holatlarda) bilan birgalikda dissertatsiya ishini tayyorlashning yakka tartibdagi rejasini (keyingi o‘rinlarda yakka tartibdagi reja deb ataladi) ishlab chiqadi. Yakka tartibdagi reja tayanch doktoranturaga yoki doktoranturaga o‘qishga qabul qilingandan keyin bir oyda Kollegial organ qarori bilan tasdiqlanadi.

29. Ilmiy rahbar doktorant uchun ixtisoslik bo‘yicha nazariy-metodologik dastur ishlab chiqadi. Nazariy-metodologik dastur tayanch doktoranturaga o‘qishga qabul qilingandan boshlab bir oy muddat ichida Kollegial organ tomonidan tasdiqlanadi.

Nazariy-metodologik dastur metodologiyaning umumiy konsepsiyasi va masalalarini, mazkur ixtisoslik bo‘yicha nazariy asoslarni va ilmiy tadqiqot usullarini o‘z ichiga oladi. Nazariy-metodologik dastur tayanch doktorant tomonidan o‘qishning birinchi yili mobaynida ilmiy rahbarning yordamida o‘zlashtiriladi.

30. O‘qishga qabul qilingan sanadan boshlab:

tayanch doktoranturada — tahsil oluvchi shaxslarga stajor-tadqiqotchi lavozim maoshining bazaviy miqdoriga tenglashtirilgan miqdorda stipendiya to‘lanadi;

doktoranturada — tahsil oluvchi shaxslarga fan nomzodi ilmiy darajasiga ega (ilmiy unvonga ega bo‘lmagan) katta ilmiy xodim lavozim maoshining bazaviy miqdoriga tenglashtirilgan miqdorda stipendiya to‘lanadi.

*Oldingi tahrirga qarang.*

31. O‘zbekiston Respublikasi Moliya vazirligi O‘zbekiston Respublikasi Innovatsion rivojlanish vazirligi tomonidan tayanch doktorantura va doktoranturaga o‘qishga qabul qilish bo‘yicha tasdiqlangan kvotalarini hisobga olgan holda tayyorlangan xarajatlar smetasiga muvofiq O‘zbekiston Respublikasi Davlat budjeti xarajatlar parametrlarida belgilangan tartibda OTM uchun — “Ta’lim” sohasi bo‘yicha va ITM uchun — “Fan” sohasi bo‘yicha zarur mablag‘lar ajratishni nazarda tutadi.

*(31-bandning birinchi xatboshisi O‘zbekiston Respublikasi Vazirlar Mahkamasining 2018-yil 14-fevraldagi 109-sonli qarori tahririda — Qonun hujjatlari ma’lumotlari milliy bazasi, 15.02.2018-y., 09/18/109/0699-son)*

Oliy harbiy ta’lim muassasalariga (keyingi o‘rinlarda “OHTM” deb yuritiladi) qabul qilingan tayanch doktorant va doktorantlarning moddiy ta’minoti harbiy xizmatchilar uchun qonunda belgilangan tartibda amalga oshiriladi.

32. Tegishli hujjatlar mavjud bo‘lgan taqdirda tayanch doktorantura va doktoranturada o‘qish muddati uzoq vaqt kasal bo‘lish, homiladorlik va tug‘ish ta’tilida bo‘lish davriga, shuningdek harbiy yig‘inlarga chaqirilish munosabati bilan uzaytirilishi mumkin.

33. Falsafa doktori (PhD) ilmiy darajasiga izlanuvchilar doktorlik dissertatsiyalarini Oliy o‘quv yurtidan keyingi ta’limga qo‘yiladigan davlat talablariga muvofiq malakaviy imtihonlarni topshirganlaridan keyin himoya qilishga qo‘yiladilar.

34. Falsafa doktori (PhD) yoki fan doktori (DSc) ilmiy darajasini olish uchun tayyorlangan doktorlik dissertatsiyasini o‘qish muddati tamom bo‘lishidan kamida 6 oy oldin himoya qilganlarga,

shuningdek ularning ilmiy rahbarlari va konsultantlariga kollegial organ qarori bilan OTM yoki ITMning budjetdan tashqari mablag‘lari hisobidan eng kam oylik ish haqining o‘n besh baravarigacha bo‘lgan miqdorda mukofot to‘lanadi.

35. OTMda ilmiy rahbarlar va konsultantlar tomonidan doktorant bilan olib borilgan ish umumiy o‘quv yuklarnasiga kiritiladi va qonunchilikda belgilangan tartibda har bir doktorant uchun bir yilda 100 soat hajmida har oyda to‘lanadi.

OHTMda ilmiy rahbarlar va konsultantlarga ish haqi to‘lovi tasarrufida OHTM mavjud bo‘lgan vazirlik va idoralar tomonidan belgilangan tartibda O‘zbekiston Respublikasi Moliya vazirligi bilan kelishgan holda amalga oshiriladi.

ITMda ilmiy rahbarlar va konsultantlarning doktorantlar bilan mehnatiga haq to‘lash har oyda o‘quv mashg‘ulotlari o‘tkazganlik uchun mehnatga soatbay haq to‘lashning qonunchilikda belgilangan tartibida har bir doktorant uchun bir yilda 100 soat hisobida O‘zbekiston Respublikasi Davlat budjetidan “Fan” sohasiga ajratilgan mablag‘lar hisobidan amalga oshiriladi.

*Oldingi tahrirga qarang.*

Xorijiy fuqarolar yoki fuqaroligi bo‘lmagan, shuningdek, to‘lov-kontrakt asosida qabul qilingan doktorantlarning ilmiy rahbarlari va konsultantlarning mehnatiga haq to‘lash o‘qitish uchun kelib tushadigan mablag‘lar hisobidan amalga oshiriladi.

*(35-bandning to‘rtinchi xatboshisi O‘zbekiston Respublikasi Vazirlar Mahkamasining 2019-yil 17-avgustdagi 684-sonli qarori tahririda — Qonun hujjatlari ma‘lumotlari milliy bazasi, 17.08.2019-y., 09/19/684/3601-son)*

36. Tayanch doktorantura va doktoranturada o‘qish muddati doktorantlarning umumiy ish stajiga qo‘shiladi.

37. Oliy o‘quv yurtidan keyingi ta‘limni tugatganlar tayanch doktorantura yoki doktoranturaga qayta qabul qilinmaydi.

#### **4-bob. Oliy o‘quv yurtidan keyingi ta‘limni mustaqil izlanuvchilik shaklida tashkil etish**

38. Falsafa doktori (PhD) ilmiy darajasi uchun mustaqil izlanuvchilikka quyidagilar rasmiylashtiriladi:

magistr yoki klinik ordinatura (tibbiyot fanlari uchun) diplomi yoki oliy ma‘lumot to‘g‘risidagi (ixtisoslik bo‘yicha) diplomga ega bo‘lganlar;

belgilangan ilmiy maqolalariga ega bo‘lganlar;

kamida ikki yillik ilmiy-pedagogik ish staji yoki muayyan ilmiy yutuqlar (ixtiro uchun patentlar yoki mualliflik guvohnomalari)ga ega bo‘lganlar.

39. Fan doktori (DSc) ilmiy darajasi uchun mustaqil izlanuvchilikka fan nomzodi yoki falsafa doktori (PhD) yoki ularga tenglashtirilgan xorijiy mamlakatlarda olingan diplomga ega bo‘lgan, belgilangan tartibda talablarga muvofiq ilmiy daraja olganidan so‘ng salmoqli ilmiy yutuqlarga erishgan shaxslar rasmiylashtiriladi.

40. OTM va ITMlari talabgorlarning mustaqil izlanuvchilikka hujjatlarini ushbu Nizomning 15-bandida ko‘rsatilgan muddatlarda qabul qiladi.

41. Mustaqil izlanuvchilikka talabgor quyidagi hujjatlarni ilova qilgan holda ariza bilan OTM yoki ITMga murojaat qiladi:

qisqacha biografik ma‘lumotnoma;

falsafa doktori (PhD) ilmiy darajasini olish uchun mustaqil izlanuvchi sifatida rasmiylashtirish uchun magistrlik yoki klinik ordinatura (tibbiyot fanlari uchun) yoki oliy ma‘lumot (mutaxassislik dasturi bo‘yicha) to‘g‘risidagi diplom nusxasi;

mehnat daftarchasining belgilangan tartibda tasdiqlangan nusxasi;

ilmiy ishlar ro‘yxati va ularning nusxasi;

fan doktori (DSc) ilmiy darajasini olish uchun mustaqil izlanuvchi sifatida rasmiylashtirish uchun fan nomzodi yoki falsafa doktori (PhD) diplomi yoki xorijda olingan unga tenglashtirilgan boshqa ilmiy darajalar diplomi nusxasi;

ish joyidan tavsifnoma.

42. Tibbiyot fanlari bo‘yicha mustaqil izlanuvchi sifatida rasmiylashtirishda OTM yoki ITM ning Kollegial organi qarori bilan talabgordan klinik ordinaturani (magistraturani) tugatgandan

so'ng yoki ilmiy darajani olganidan so'ng ilmiy, ilmiy-pedagogik yoki amaliy ish stajiga (ikki yildan to'rt yilgacha bo'lgan muddatda) ega bo'lishi talab etilishi mumkin.

43. Mustaqil izlanuvchilikka talabgorlarni tanlab olish har yili 30-noyabrgacha bo'lgan muddatda ixtisoslik bo'yicha suhbat natijalari va OTM va ITM qabul komissiyasining tegishli xulosasi bo'yicha amalga oshiriladi.

Mustaqil izlanuvchilikka talabgorlar bilan o'tkazilgan suhbat natijalari Kollegial organ qarorlari bilan tasdiqlanadi. Shu bilan birga, Kollegial organ qarorida mustaqil izlanuvchilarning dissertatsiya mavzulari tasdiqlanadi va ilmiy rahbar yoki ilmiy konsultant mehnatiga haq to'lash shartlari belgilanadi.

*Oldingi tahrirga qarang.*

44. Talabgorlar OTM yoki ITM rahbarining har chorakda 5-mart, 5-iyun, 5-sentabr va 5-dekabrgacha e'lon qilinadigan buyrug'i bilan mustaqil izlanuvchilikka rasmiylashtiriladilar. Buyruqda, shuningdek, mustaqil izlanuvchilarning ilmiy rahbarlari va ilmiy konsultantlari (konsultant bo'lgan taqdirda) belgilanadi.

*(44-band O'zbekiston Respublikasi Vazirlar Mahkamasining 2019-yil 19-iyuldagi 606-sonli qarori tahririda — Qonun hujjatlari ma'lumotlari milliy bazasi, 22.07.2019-y., 09/19/606/3457-son)*

45. Rasmiylashtirilgan mustaqil izlanuvchilar, ularning dissertatsiya mavzulari tasdiqlanganligi, ilmiy rahbarlari va ilmiy konsultantlari (konsultant tayinlanganda) to'g'risidagi ma'lumot:

OTM va ITMlari tomonidan — yuqori vazirliklar, idoralar va tashkilotlarga har yili 10-dekabrgacha;

*Oldingi tahrirga qarang.*

vazirliklar, idoralar va tashkilotlar tomonidan — O'zbekiston Respublikasi Innovatsion rivojlanish vazirligiga joriy yilning 15-dekabrigacha taqdim etiladi.

*(45-bandning uchinchi xatboshisi O'zbekiston Respublikasi Vazirlar Mahkamasining 2018-yil 14-fevraldagi 109-sonli qarori tahririda — Qonun hujjatlari ma'lumotlari milliy bazasi, 15.02.2018-y., 09/18/109/0699-son)*

*Oldingi tahrirga qarang.*

Mustaqil izlanuvchilarning tasdiqlangan dissertatsiya mavzulari va ilmiy rahbar va ilmiy konsultant (konsultant tayinlanganida) to'g'risidagi ma'lumotlar O'zbekiston Respublikasi Innovatsion rivojlanish vazirligining ma'lumotlar bazasiga kiritiladi, shuningdek OAKda ro'yxatdan o'tkaziladi va "OAK Byulleteni" jurnalida chop etiladi.

*(45-bandning to'rtinchi xatboshisi O'zbekiston Respublikasi Vazirlar Mahkamasining 2018-yil 14-fevraldagi 109-sonli qarori tahririda — Qonun hujjatlari ma'lumotlari milliy bazasi, 15.02.2018-y., 09/18/109/0699-son)*

46. Mustaqil izlanuvchilar rasmiylashtirilganlaridan so'ng bir oy muddatda ilmiy rahbar yoki konsultant (konsultant bo'lgan taqdirda) bilan kelishgan holda shaxsiy rejalarini Kollegial organda ko'rib chiqish va tasdiqlash uchun taqdim etadilar.

47. Amaldagi barcha talablarni bajargan va dissertatsiyasini OAK talablariga muvofiq ravishda tayyorlagan mustaqil izlanuvchilar dissertatsiya himoyasiga qo'yiladi.

48. OTM yoki ITMda ilmiy rahbarlar va konsultantlarning mustaqil izlanuvchilar bilan olib boradigan ishi uchun haq mehnatga soatbay haq to'lash bo'yicha qonunchilikda belgilangan tartibda o'quv mashg'ulotlari olib borilgani uchun har bir izlanuvchi hisobiga bir yilda 50 soat hisobidan har oyda to'lanadi.

OTMda ilmiy rahbar yoki konsultant muassasaning budjetdan tashqari mablag'lari hisobdan oylik maosh olayotgan bo'lsa, mustaqil izlanuvchilar bilan ishlash uning umumiy o'quv yuklamasi hajmiga kiritilishi mumkin.

Ilmiy rahbarlar va konsultantlarning xorijiy fuqarolar yoki fuqaroligi bo'lmagan mustaqil izlanuvchilar bilan mehnatiga haq to'lash o'qish bo'yicha tuzilgan shartnomalarga muvofiq amalga oshiriladi.

49. Bir necha OTM yoki ITMda bir vaqtning o'zida mustaqil izlanuvchilikka yo'l qo'yilmaydi.

## **5-bob. Oliy o‘quv yurtidan keyingi ta’limni to‘lov-kontrakt asosida tashkil etish**

50. Xorijiy fuqarolarni va fuqaroligi bo‘lmagan shaxslarni oliy o‘quv yurtidan keyingi ta’lim institutlariga qabul qilish va o‘qitish qonun hujjatlari va (yoki) O‘zbekiston Respublikasining xalqaro shartnomalariga muvofiq oliy o‘quv yurtidan keyingi ta’limga qabul kvotalaridan tashqari to‘lov-kontrakt asosida amalga oshiriladi.

*Oldingi tahrirga qarang.*

O‘zbekiston Respublikasida yashash guvohnomasiga yoki investitsiya vizasiga ega bo‘lgan xorijiy investorlar hamda ularning oila a‘zolari O‘zbekiston Respublikasi fuqarolari uchun nazarda tutilgan shartlarda oliy o‘quv yurtidan keyingi tashkilotlarga o‘qishga kirishga va ta’lim olishga haqlidir.

*(50-band O‘zbekiston Respublikasi Vazirlar Mahkamasining 2019-yil 11-oktabrdagi 864-sonli qaroriga asosan xatboshi bilan to‘ldirilgan — Qonun hujjatlari ma’lumotlari milliy bazasi, 12.10.2019-y., 09/19/864/3902-son)*

51. To‘lov-kontrakt asosida oliy o‘quv yurtidan keyingi ta’limni amalga oshirishda o‘qitish uchun, jumladan ilmiy rahbarlar va konsultantlar mehnatiga haq to‘lash, tadqiqotlar va eksperimentlar o‘tkazish bilan bog‘liq xarajatlarni hisobga oladigan haq miqdori, shuningdek uni to‘lash tartibi qonun hujjatlarida belgilangan tartibda manfaatdor tomonlar o‘rtasida tuziladigan shartnoma bilan belgilanadi.

## **6-bob. Izlanuvchilar faoliyati samaradorligining monitoringi**

*Oldingi tahrirga qarang.*

52. Tasarrufida OTM va ITMga ega vazirliklar, idoralar va tashkilotlar O‘zbekiston Respublikasi Innovatsion rivojlanish vazirligi bilan birgalikda OTM va ITMdagi izlanuvchilar faoliyatining samaradorligi bo‘yicha monitoring olib boradilar.

*(52-bandning birinchi xatboshisi O‘zbekiston Respublikasi Vazirlar Mahkamasining 2018-yil 14-fevraldagi 109-sonli qarori tahririda — Qonun hujjatlari ma’lumotlari milliy bazasi, 15.02.2018-y., 09/18/109/0699-son)*

Monitoringni olib borish uchun ishchi guruh tuziladi, uning tarkibi tasarrufida OTM va ITM mavjud bo‘lgan tegishli vazirlik, idora va tashkilotlar tomonidan tasdiqlanadi.

53. Falsafa doktori (PhD) ilmiy darajasi uchun izlanuvchilar faoliyati samaradorligining monitoringi quyidagi mezonlar bo‘yicha amalga oshiriladi:

a) o‘qishning birinchi yilida:

dissertatsiya mavzusi bo‘yicha tasdiqlangan shaxsiy rejaning mavjudligi va uning bajarilishi;

ixtisoslik bo‘yicha tasdiqlangan nazariy-metodologik dasturning mavjudligi va uning bajarilishi;

OAK ro‘yxatida ko‘rsatilgan tarmoq ilmiy jurnallarida dissertatsiya mavzusi bo‘yicha kamida bitta ilmiy maqolaning chop etilganligi;

ilmiy konferensiyada dissertatsiya mavzusi bo‘yicha ma’ruza bilan ishtirok etganligi;

dissertatsiya mavzusi bo‘yicha tahliliy umumlashtiruvchi qisqacha ma’lumotning mavjudligi;

OTM yoki ITM seminarida dissertatsiya mavzusiga doir tahliliy umumlashtiruvchi qisqacha ma’lumot natijalari bo‘yicha (ilmiy rahbar bilan birgalikda) ma’ruza qilganligi;

b) o‘qishning ikkinchi yilida:

OAK ro‘yxatida ko‘rsatilgan tarmoq ilmiy jurnallarida dissertatsiya mavzusi bo‘yicha hisobot davrida chop etilgan kamida bitta ilmiy maqolaning mavjudligi;

dissertatsiya mavzusi bo‘yicha hisobot davrida ilmiy konferensiya materiallarida kamida bitta chop etilgan ma’ruza tezisining mavjudligi;

OAK ro‘yxatida ko‘rsatilgan xorijiy jurnalda dissertatsiya mavzusi bo‘yicha kamida bitta chop etilgan ilmiy maqola mavjudligi;

OTM yoki ITM ilmiy-tashkiliy bo‘linmasi (kafedra, laboratoriya, bo‘lim, sektor) ilmiy seminarida dissertatsiya ishining dastlabki natijalari bo‘yicha (mustaqil) ma‘ruza bilan ishtirok etish;

dissertatsiya mavzusi bo‘yicha shaxsiy rejasining bajarilishi bo‘yicha hisobot berish;

v) o‘qishning uchinchi yilida:

jurnallarda, shu jumladan xorijiy jurnallarda soni OAK talablariga muvofiq chop etilgan ilmiy maqolalari mavjudligi;

OAK talablariga muvofiq tayyorlangan tugallangan dissertatsiya ishi, avtoreferatining mavjudligi;

OTM yoki ITM ilmiy-tashkiliy bo‘linmalari majlislarida dissertatsiya va avtoreferatining ko‘rib chiqilganligi va muhokama qilinganligi.

54. Fan doktori (DSc) ilmiy darajasi uchun izlanuvchilar faoliyatining samaradorligi monitoringi quyidagi mezonlar bo‘yicha amalga oshiriladi:

a) o‘qishning birinchi yilida:

dissertatsiya mavzusi bo‘yicha shaxsiy rejaning mavjudligi va uning bajarilishi;

dissertatsiyaning birinchi va ikkinchi boblari tayyorligi;

dissertatsiya mavzusi bo‘yicha OAK ro‘yxatida ko‘rsatilgan jurnallarda kamida uchta ilmiy maqola chop etilganligi;

dissertatsiya mavzusi bo‘yicha respublika va xalqaro ilmiy konferensiyalar materiallarida kamida bitta ma‘ruza tezisi chop etilganligi;

dissertatsiya mavzusi bo‘yicha ilmiy konferensiya yoki seminarda ma‘ruza qilish;

dissertatsiya mavzusi bo‘yicha tahliliy sharh;

dissertatsiya mavzusi bo‘yicha tahliliy sharh natijalari bo‘yicha seminarda so‘zga chiqish;

b) o‘qishning ikkinchi yilida:

dissertatsiyaning uchinchi va to‘rtinchi boblari tayyorligi;

OAK ro‘yxatida ko‘rsatilgan jurnallarda dissertatsiya mavzusi bo‘yicha kamida to‘rtta ilmiy maqola e‘lon qilinganligi (jumladan bittasi xorijda);

dissertatsiya mavzusi bo‘yicha xalqaro va respublika ilmiy konferensiyalar materiallarida chop etilgan kamida bitta ma‘ruza tezisining mavjudligi;

dissertatsiya ishining dastlabki natijalari bo‘yicha seminar o‘tkazish;

konferensiya yoki seminarda ma‘ruza bilan qatnashish (kamida bir marta);

dissertatsiya mavzusi bo‘yicha shaxsiy rejaning bajarilishi to‘g‘risidagi hisobot;

v) o‘qishning uchinchi yilida:

dissertatsiya mavzusi bo‘yicha OAK ro‘yxatida ko‘rsatilgan jurnallarda kamida uchta ilmiy maqola e‘lon qilinganligi;

dissertatsiya natijalari bo‘yicha (ijtimoiy-gumanitar fanlar bo‘yicha) chop etilgan monografiyaning mavjudligi;

OAK talablariga muvofiq tayyorlangan tugallangan dissertatsiya ishi va avtoreferatning mavjudligi;

dissertatsiya yoki avtoreferatni OTM yoki ITM ilmiy-tashkiliy bo‘linmalarida ko‘rib chiqilganligi va muhokama etilganligi.

55. Monitoring natijalari Kollegial organ tomonidan ko‘rib chiqiladi va tasdiqlanadi. Shaxsiy rejalarini bajarmagan izlanuvchilarga nisbatan tegishli qarorlar qabul qilinadi.

Shaxsiy rejalarini bajarmagan doktorantlar Kollegial organ qarori bilan tayanch doktorantura yoki doktoranturadan chetlatiladi va o‘qishga qayta tiklanmaydi.

Doktoranturadan monitoring natijalari bo‘yicha chetlatilgan yoki dissertatsiyasini muddatida himoya qilmagan shaxslar dissertatsiyasini tugatish va himoya qilish davrida mustaqil izlanuvchi sifatida rasmiylashtirilishi mumkin. OTM yoki ITMning ichki tartibi va qoidalarini buzganligi uchun o‘qishdan chetlatilgan shaxslar o‘qishga tiklanmaydi.

Shaxsiy ish rejalarini bajarmagan mustaqil izlanuvchilarning ilmiy rahbarlari va konsultantlariga nisbatan Kollegial organ qarori bilan rahbarlik va maslahat uchun to‘lanadigan haq to‘xtatiladi.

56. Muntazam ravishda (qatorasiga ikki marta va undan ko'p) izlanuvchilarning dissertatsiyalarini o'z vaqtida himoya qilishni ta'minlamagan ilmiy rahbarlar va konsultantlar Kollegial organ qarori bilan uch yilgacha bo'lgan davrga ilmiy rahbarlik yoki konsultantlikdan chetlatilishi mumkin.

57. Kollegial organ tavsiyasi bo'yicha izlanuvchilarning shaxsiy rejalariga o'zgartirishlar kiritilishi mumkin.

Ilmiy rahbarlar va ilmiy konsultantlar faoliyatining samaradorligini nazorat qilish Kollegial organ tomonidan amalga oshiriladi.

### **7-bob. Oliy o'quv yurtidan keyingi ta'lim to'g'risidagi hujjatlar**

58. Qonun hujjatlarida nazarda tutilgan oliy o'quv yurtidan keyingi ta'lim talablarini bajargan va belgilangan tartibda dissertatsiya himoya qilgan shaxslarga o'rnatilgan tartibda davlat namunasidagi tegishli falsafa doktori (PhD) va fan doktori (DSc) diplomi beriladi.

Oliy o'quv yurtidan keyingi ta'lim to'g'risidagi **nizomga**  
ILOVA

**Tegishli ixtisosliklar bo'yicha tadqiqotlar olib borayotgan fan nomzodlari, falsafa doktorlari (PhD) va fan doktorlari to'g'risida**

### **MA'LUMOTLAR**

<b>F.I.O.</b>	<b>Tug'ilgan yili</b>	<b>Ixtisoslik shifri va nomi, dissertatsiya mavzui</b>	<b>Ilmiy darajasi, ilmiy unvoni</b>	<b>Ish joyi va lavozimi</b>	<b>Keyingi 5 yilda ixtisoslik bo'yicha asosiy ilmiy ishlari (monografiya, maqolalar) ro'yxati</b>
---------------	-----------------------	--	-------------------------------------	-----------------------------	---

Rahbar

(imzo)

(F.I.O.)

M.O'.

Sana "\_\_\_\_" \_\_\_\_\_ yil

Vazirlar Mahkamasining 2017-yil 22-maydagi 304-son qaroriga  
3-ILOVA

**Falsafa doktori (PhD)  
diplomining davlat namunasi  
(tasviri)**

O'zbekiston Respublikasi Davlat gerbi tasviri

**O'zbekiston Respublikasi  
Vazirlar Mahkamasi huzuridagi  
OLIIY ATTESTATSIYA KOMISSIYASI**



**SUPREME ATTESTATION COMMISSION**  
**at the Cabinet of Ministers**  
**of the Republic of Uzbekistan**

The Supreme Attestation Commission of the Republic of Uzbekistan based on the decision of the scientific council at the

.....

hereby confers the scientific degree of

huzuridagi ilmiy kengashining qaroriga asosan

.....

**DOCTOR OF PHILOSOPHY (PhD)**

..... fanlari bo'yicha

in .....

**FALSAFA DOKTORI**

to ..... ilmiy darajasini berdi.

**00 №**  
**000000**

Date: , , 00 № 000000  
records

Sana: , , -son  
bayonnoma

*Chairman*

Chief Rais  
Scientific  
Secretary

*Bosh ilmiy  
kotib*

**T a s h k e n t**

Reg.  
№

**T o s h k e n t**

Qaydnoma

**Falsafa doktori diplomi**

Falsafa doktori diplomi yashil-havorang rangli maxsus qog'ozda tayyorlangan va 135 x 105 mm o'lchamga ega. Blanka yuza tomonining yuqori qismidagi 26 mm va 24 mm diametrli ko'k rangli konsentrik aylanalarda 20 mm diametrli rangli O'zbekiston Respublikasi Davlat gerbi joylashgan. Pastki qismida o'zbek tilida lotin shriftida va ingliz tilida ko'k harflar bilan quyidagilar yozilgan:

**O'zbekiston Respublikasi**  
**Vazirlar Mahkamasi huzuridagi**  
**OLIY ATTESTATSIYA KOMISSIYASI**

**SUPREME ATTESTATION COMMISSION**  
**at the Cabinet of Ministers**  
**of the Republic of Uzbekistan**

Blanka ichki betining chap tomoni markazida 70 mm diametrli fonli O'zbekiston Respublikasi Davlat gerbi joylashgan. O'rtasi bo'ylab to'q sariq fonli polosa o'tgan. Ikkala bet ham 1,5 x 1,5 mm va 2 x 2 mm o'lchamli rastrli setkalardan iborat bo'ladi. Ingliz tilidagi matn qora rangli harflarda, diplomning tartib raqami esa — qizil rangli raqamlarda bosilgan.

Blanka ichki betining o'ng tomoni markazida 70 mm diametrli fonli O'zbekiston Respublikasi Davlat gerbi joylashgan. O'rtasi bo'ylab to'q sariq fonli polosa o'tgan. Ikkala bet ham 1,5 x 1,5 mm va 2 x 2 mm o'lchamli rastrli setkalardan iborat bo'ladi. O'zbek tilidagi matn lotin shriftida qora rangli harflarda, diplomning tartib raqami esa — qizil rangli raqamlarda bosilgan.

Diplomning ikkala betiga ham diplom seriyasining ikkita belgili raqamlari va diplom tartib raqamining oltita belgili raqamlari bosiladi.

Diplom himoyalashning 7 ta darajasiga ega:

- 1) ikkita bosma metodlaridan foydalanish: asosiy qismi — ofset usulida, raqamlari — yuqori bosma usulida bosiladi;
- 2) ko'paytirish texnikasida nusxa ko'chirishni qiyinlashtiradigan och tusli bo'yoqlardan foydalanish;
- 3) turli shakldagi rastrli setkalardan foydalanish;
- 4) turli shakldagi rastrli setkalardan foydalanish natijasida yangi ranglar hosil bo'lishi;
- 5) maxsus qog'ozdan foydalanish;
- 6) O'zbekiston Respublikasi Davlat gerbining rangli tasviri;
- 7) oltita shakllarda o'zgaradigan raqamlardan foydalanish.

Vazirlar Mahkamasining 2017-yil 22-maydagi 304-son qaroriga  
4-ILOVA

**Fan doktori (DSc)  
diplomining davlat namunasi  
(tasviri)**

O‘zbekiston Respublikasi Davlat gerbi tasviri

**O‘zbekiston Respublikasi  
Vazirlar Mahkamasi huzuridagi  
OLIY ATTESTATSIYA KOMISSIYASI**

**SUPREME ATTESTATION COMMISSION  
at the Cabinet of Ministers  
of the Republic of Uzbekistan**

The Supreme Attestation Commission of the Republic of O‘zbekiston Respublikasi Oliy attestatsiya komissiyasi Uzbekistan based on the decision of the scientific council at the

.....

hereby confers the scientific degree of ..... huzuridagi ilmiy kengashining qaroriga asosan

**DOCTOR OF SCIENCES (DSc)**

in .....

**FANLARI DOKTORI**

to .....	ilmiy darajasini berdi.	
<b>00 №</b> <b>000000</b> <i>Chairman</i>	Date: , , records Chief Rais Scientific Secretary	<b>00 № 000000</b> Sana: , , -son bayonnoma <i>Bosh ilmiy kotib</i>
<b>T a s h k e n t</b>	Reg. №	<b>T o s h k e n t</b> Qaydnoma

**Fan doktori diplomi**

Fan doktori diplomi yashil-havorang rangli maxsus qog‘ozda tayyorlangan va 135 x 105 mm o‘lchamga ega. Blanka yuza tomonining yuqori qismidagi 26 mm va 24 mm diametrli ko‘k rangli konsentrik aylanalarda 20 mm diametrli rangli O‘zbekiston Respublikasi Davlat gerbi joylashgan. Pastki qismida o‘zbek tilida lotin shriftida va ingliz tilida ko‘k harflar bilan quyidagilar yozilgan:

**O‘zbekiston Respublikasi  
Vazirlar Mahkamasi huzuridagi  
OLIY ATTESTATSIYA KOMISSIYASI  
SUPREME ATTESTATION COMMISSION  
at the Cabinet of Ministers  
of the Republic of Uzbekistan**

Blanka ichki betining chap tomoni markazida 70 mm diametrli fonli O‘zbekiston Respublikasi Davlat gerbi joylashgan. O‘rtasi bo‘ylab to‘q sariq fonli polosa o‘tgan. Ikkala bet ham 1,5 x 1,5 mm va 2 x 2 mm o‘lchamli rastrli setkalardan iborat bo‘ladi. Ingliz tilidagi matn qora rangli harflarda, diplomning tartib raqami esa — qizil rangli raqamlarda bosilgan.

Blanka ichki betining o‘ng tomoni markazida 70 mm diametrli fonli O‘zbekiston Respublikasi Davlat gerbi joylashgan. O‘rtasi bo‘ylab to‘q sariq fonli polosa o‘tgan. Ikkala bet ham 1,5 x 1,5 mm va 2 x 2 mm o‘lchamli rastrli setkalardan iborat bo‘ladi. O‘zbek tilidagi matn lotin shriftida qora rangli harflarda, diplomning tartib raqami esa — qizil rangli raqamlarda bosilgan.

Diplomning ikkala betiga ham diplom seriyasining ikkita belgisi raqamlari va diplom tartib raqamining oltita belgisi raqamlari bosiladi.

Diplom himoyalashning 7 ta darajasiga ega:

- 1) ikkita bosma metodlaridan foydalanish: asosiy qismi — ofset usulida, raqamlari — yuqori bosma usulida bosiladi;
- 2) ko‘paytirish texnikasida nusxa ko‘chirishni qiyinlashtiradigan och tusli bo‘yoqlardan foydalanish;
- 3) turli shakldagi rastrli setkalardan foydalanish;

- 4) turli shakldagi rastrli setkalardan foydalanish natijasida yangi ranglar hosil bo'lishi;
- 5) maxsus qog'ozdan foydalanish;
- 6) O'zbekiston Respublikasi Davlat gerbining rangli tasviri;
- 7) oltita shakllarda o'zgaradigan raqamlardan foydalanish.

Vazirlar Mahkamasining 2017-yil 22-maydagi 304-son qaroriga  
5-ILOVA

**Dotsent attestatining  
davlat namunasi  
(tasviri)**

O'zbekiston Respublikasi Davlat gerbi tasviri

**O'zbekiston Respublikasi  
Vazirlar Mahkamasi huzuridagi  
OLIY ATTESTATSIYA KOMISSIYASI**

**SUPREME ATTESTATION COMMISSION  
at the Cabinet of Ministers  
of the Republic of Uzbekistan**

The Supreme Attestation Commission of the Republic of Uzbekistan upon the recommendation of the council of

O'zbekiston Respublikasi Oliy attestatsiya komissiyasi

.....

.....

hereby awards the scientific title of

ilmiy kengashining tavsiyasiga ko'ra

**DOCENT**

of.....

.....

to.....

.....bo'yicha

**DOTSENT**

ilmiy unvonida tasdiqladi.

**00 №  
000000**

Date: , , records

**00 № 000000**

Sana: , , -son  
bayonnoma

*Chairman*

Chief  
Scientific  
Secretary

Rais

*Bosh ilmiy  
kotib*

**T a s h k e n t**

Reg.  
№

**T o s h k e n t**

Qaydnoma

**Dotsent attestati**

Dotsent attestati yashil-havorang rangli maxsus qog'ozda tayyorlangan va 135 x 105 mm o'lchamga ega. Blanka yuza tomonining yuqori qismidagi 26 mm va 24 mm diametrlil ko'k rangli konsentrik aylanalarda 20 mm diametrlil rangli O'zbekiston Respublikasi Davlat gerbi joylashgan. Pastki qismida o'zbek tilida lotin shriftida va ingliz tilida ko'k harflar bilan quyidagilar yozilgan:

**O'zbekiston Respublikasi  
Vazirlar Mahkamasi huzuridagi  
OLIY ATTESTATSIYA KOMISSIYASI**

**SUPREME ATTESTATION COMMISSION  
at the Cabinet of Ministers  
of the Republic of Uzbekistan**

Blanka ichki betining chap tomoni markazida 70 mm diametrlil fonli O'zbekiston Respublikasi Davlat gerbi joylashgan. O'rtasi bo'ylab to'q sariq fonli polosa o'tgan. Ikkala bet ham 1,5 x 1,5 mm va 2 x 2 mm o'lchamli rastrli setkalardan iborat bo'ladi. Ingliz tilidagi matn qora rangli harflarda, diplomning tartib raqami esa — qizil rangli raqamlarda bosilgan.

Blanka ichki betining o'ng tomoni markazida 70 mm diametrlil fonli O'zbekiston Respublikasi Davlat gerbi joylashgan. O'rtasi bo'ylab to'q sariq fonli polosa o'tgan. Ikkala bet ham 1,5 x 1,5 mm va 2 x 2 mm o'lchamli rastrli setkalardan iborat bo'ladi. O'zbek tilidagi matn lotin shriftida qora rangli harflarda, diplomning tartib raqami esa — qizil rangli raqamlarda bosilgan.

Diplomning ikkala betiga ham diplom seriyasining ikkita belgili raqamlari va diplom tartib raqamining oltita belgili raqamlari bosiladi.

Diplom himoyalashning 7 ta darajasiga ega:

- 1) ikkita bosma metodlaridan foydalanish: asosiy qismi — ofset usulida, raqamlari — yuqori bosma usulida bosiladi;
- 2) ko'paytirish texnikasida nusxa o'chirishni qiyinlashtiradigan och tusli bo'yoqlardan foydalanish;
- 3) turli shakldagi rastarli setkalardan foydalanish;
- 4) turli shakldagi rastarli setkalardan foydalanish natijasida yangi ranglar hosil bo'lishi;
- 5) maxsus qog'ozdan foydalanish;
- 6) O'zbekiston Respublikasi Davlat gerbining rangli tasviri;
- 7) oltita shakllarda o'zgaradigan raqamlardan foydalanish.

Vazirlar Mahkamasining 2017-yil 22-maydagi 304-son qaroriga  
6-ILOVA

**Katta ilmiy xodim attestatining  
davlat namunasi  
(tasviri)**

O'zbekiston Respublikasi Davlat gerbi tasviri  
**O'zbekiston Respublikasi  
Vazirlar Mahkamasi huzuridagi  
OLIIY ATTESTATSIYA KOMISSIYASI**

**SUPREME ATTESTATION COMMISSION  
at the Cabinet of Ministers  
of the Republic of Uzbekistan**

The Supreme Attestation Commission of the Republic of Uzbekistan upon the recommendation of the council of O'zbekiston Respublikasi Oliy attestatsiya komissiyasi

.....  
hereby awards the scientific title of **SENIOR SCIENTIFIC RESEARCHER** .....  
ilmiy kengashining tavsiyasiga ko'ra  
.....bo'yicha

of..... **KATTA ILMIIY XODIM**  
to..... ilmiy unvonida tasdiqladi.

**00 № 000000** Date: , , **00 № 000000** Sana: , , -son  
records bayonnoma

*Chairman* Chief Rais *Bosh ilmiy kotib*  
Scientific Secretary

**T a s h k e n t** Reg. **T o s h k e n t** Qaydnoma  
№

**Katta ilmiy xodim attestati**

Katta ilmiy xodim attestati yashil-havorang rangli maxsus qog'ozda tayyorlangan va 135 x 105 mm o'lchamga ega. Blanka yuza tomonining yuqori qismidagi 26 mm va 24 mm diametrli ko'k rangli konsentrik aylanalarda 20 mm diametrli rangli O'zbekiston Respublikasi Davlat gerbi joylashgan. Pastki qismida o'zbek tilida lotin shriftida va ingliz tilida ko'k harflar bilan quyidagilar yozilgan:

**O'zbekiston Respublikasi  
Vazirlar Mahkamasi huzuridagi  
OLIIY ATTESTATSIYA KOMISSIYASI**

**SUPREME ATTESTATION COMMISSION  
at the Cabinet of Ministers  
of the Republic of Uzbekistan**

Blanka ichki betining chap tomoni markazida 70 mm diametrli fonli O'zbekiston Respublikasi Davlat gerbi joylashgan. O'rtasi bo'ylab to'q sariq fonli polosa o'tgan. Ikkala bet ham 1,5 x 1,5 mm va 2 x 2 mm o'lchamli rastarli setkalardan

iborat bo‘ladi. Ingliz tilidagi matn qora rangli harflarda, diplomning tartib raqami esa — qizil rangli raqamlarda bosilgan.

Blanka ichki betining o‘ng tomoni markazida 70 mm diametrli fonli O‘zbekiston Respublikasi Davlat gerbi joylashgan. O‘rtasi bo‘ylab to‘q sariq fonli polosa o‘tgan. Ikkala bet ham 1,5 x 1,5 mm va 2 x 2 mm o‘lchamli rastrli setkalardan iborat bo‘ladi. O‘zbek tilidagi matn lotin shriftida qora rangli harflarda, diplomning tartib raqami esa — qizil rangli raqamlarda bosilgan.

Diplomning ikkala betiga ham diplom seriyasining ikkita belgili raqamlari va diplom tartib raqamining oltita belgili raqamlari bosiladi.

Diplom himoyalashning 7 ta darajasiga ega:

- 1) ikkita bosma metodlaridan foydalanish: asosiy qismi — ofset usulida, raqamlari — yuqori bosma usulida bosiladi;
- 2) ko‘paytirish texnikasida nusxa ko‘chirishni qiyinlashtiradigan och tusli bo‘yoqlardan foydalanish;
- 3) turli shakldagi rastrli setkalardan foydalanish;
- 4) turli shakldagi rastrli setkalardan foydalanish natijasida yangi ranglar hosil bo‘lishi;
- 5) maxsus qog‘ozdan foydalanish;
- 6) O‘zbekiston Respublikasi Davlat gerbining rangli tasviri;
- 7) oltita shakllarda o‘zgaradigan raqamlardan foydalanish.

Vazirlar Mahkamasining 2017-yil 22-maydagi 304-son qaroriga  
7-ILOVA

**Professor attestatining  
davlat namunasi  
(tasviri)**

O‘zbekiston Respublikasi Davlat gerbi tasviri

**O‘zbekiston Respublikasi  
Vazirlar Mahkamasi huzuridagi  
OLIY ATTESTATSIYA KOMISSIYASI**

**SUPREME ATTESTATION COMMISSION  
at the Cabinet of Ministers  
of the Republic of Uzbekistan**

The Supreme Attestation Commission of the Republic of Uzbekistan upon the recommendation of the council of the Republic of Uzbekistan O‘zbekiston Respublikasi Oliy attestatsiya komissiyasi

hereby awards the scientific title of  
**PROFESSOR**

of.....  
to.....  
**PROFESSOR**

**00 № 000000** Date: , , **00 № 000000** Sana: , , -son  
records bayonnoma

*Chairman* Chief Rais *Bosh ilmiy kotib*  
Scientific Secretary

**T a s h k e n t**

Reg.  
№

**T o s h k e n t**

Qaydnoma

**Professor attestati**

Professor attestati yashil-havorang rangli maxsus qog‘ozda tayyorlangan va 135 x 105 mm o‘lchamga ega. Blanka yuza tomonining yuqori qismidagi 26 mm va 24 mm diametrli ko‘k rangli konsentrik aylanalarda 20 mm diametrli rangli O‘zbekiston Respublikasi Davlat gerbi joylashgan. Pastki qismida o‘zbek tilida lotin shriftida va ingliz tilida ko‘k harflar bilan quyidagilar yozilgan:

**O‘zbekiston Respublikasi**

**Vazirlar Mahkamasi huzuridagi  
OLY ATTESTATSIYA KOMISSIYASI**

**SUPREME ATTESTATION COMMISSION  
at the Cabinet of Ministers  
of the Republic of Uzbekistan**

Blanka ichki betining chap tomoni markazida 70 mm diametrli fonli O'zbekiston Respublikasi Davlat gerbi joylashgan. O'rtasi bo'ylab to'q sariq fonli polosa o'tgan. Ikkala bet ham 1,5 x 1,5 mm va 2 x 2 mm o'lchamli rastri setkalardan iborat bo'ladi. Ingliz tilidagi matn qora rangli harflarda, diplomning tartib raqami esa — qizil rangli raqamlarda bosilgan.

Blanka ichki betining o'ng tomoni markazida 70 mm diametrli fonli O'zbekiston Respublikasi Davlat gerbi joylashgan. O'rtasi bo'ylab to'q sariq fonli polosa o'tgan. Ikkala bet ham 1,5 x 1,5 mm va 2 x 2 mm o'lchamli rastri setkalardan iborat bo'ladi. O'zbek tilidagi matn lotin shriftida qora rangli harflarda, diplomning tartib raqami esa — qizil rangli raqamlarda bosilgan.

Diplomning ikkala betiga ham diplom seriyasining ikkita belgisi va diplom tartib raqamining oltita belgisi raqamlari bosiladi.

Diplom himoyalashning 7 ta darajasiga ega:

- 1) ikkita bosma metodlaridan foydalanish: asosiy qismi — ofset usulida, raqamlari — yuqori bosma usulida bosiladi;
- 2) ko'paytirish texnikasida nusxa ko'chirishni qiyinlashtiradigan och tusli bo'yoqlardan foydalanish;
- 3) turli shakldagi rastri setkalardan foydalanish;
- 4) turli shakldagi rastri setkalardan foydalanish natijasida yangi ranglar hosil bo'lishi;
- 5) maxsus qog'ozdan foydalanish;
- 6) O'zbekiston Respublikasi Davlat gerbining rangli tasviri;
- 7) oltita shakllarda o'zgaradigan raqamlardan foydalanish.

Vazirlar Mahkamasining 2017-yil 22-maydagi 304-son qaroriga  
8-ILOVA

**Vazirlar Mahkamasining “Oliy o‘quv yurtidan keyingi ta‘lim hamda oliy malakali ilmiy va ilmiy-pedagog kadrlarni attestatsiyadan o‘tkazish tizimini takomillashtirish chora-tadbirlari to‘g‘risida” 2012-yil 28-dekabrda 365-son qaroriga kiritilayotgan**

**O‘ZGARTIRISHLAR**

1. 1-bandning **ikkinchi**, **uchinchi** va **oltinchi xatboshilari**, shuningdek **1, 2 va 5-ilovalar** o'z kuchini yo'qotgan deb hisoblansin.

2. **4-ilovada:**

a) **6-bandda:**

**to'rtinchi xatboshidagi** “doktorlik dissertatsiyasi ishlariga hamda fan doktori ilmiy darajasi” so‘zlari “dissertatsiya ishlariga hamda falsafa doktori (Doctor of Philosophy, bundan buyon — PhD), fan doktori (Doctor of Sciences, bundan buyon — DSc) ilmiy darajalari” so‘zlari bilan almashtirilsin;

**to'qqizinchi xatboshidagi** “fan doktori ilmiy darajasi” so‘zlari “falsafa doktori (PhD), fan doktori (DSc) ilmiy darajalari” so‘zlari bilan almashtirilsin;

b) **7-bandda:**

**ikkinchi xatboshidagi** “ilmiy tashkilotlari” so‘zlari “oliy ta‘lim va ilmiy-tadqiqot muassasalari” so‘zlari bilan almashtirilsin;

**uchinchi xatboshi** quyidagi tahrirda bayon etilsin:

“falsafa doktori (PhD) va fan doktori (DSc) ilmiy darajalarini olish uchun dissertatsiya tadqiqotlari mavzulari monitoringini olib boradi, shuningdek ularni ro'yxatdan o'tkazadi”;

**to'rtinchi xatboshidagi** “katta ilmiy xodimlar-izlanuvchilar va mustaqil izlanuvchi” so‘zlari “tayanch doktorantura va doktorantura hamda mustaqil izlanuvchi” so‘zlari bilan almashtirilsin;

**beshinchi xatboshidagi** “fan doktori ilmiy unvonini” so‘zlari “ilmiy darajalarni” so‘zlari bilan almashtirilsin;

**oltinchi, yettinchi xatboshidagi** “fan doktori ilmiy darajasini” so‘zlari “ilmiy darajalarni” so‘zlari bilan almashtirilsin;

sakkizinchi xatboshidagi “doktorlik dissertatsiyalarining” soʻzlari “falsafa doktori (PhD) va fan doktori (DSc) ilmiy darajalarini olish uchun dissertatsiyalarning” soʻzlari bilan almashtirilsin;

oʻninchi, oʻn birinchi xatboshidagi “fan doktori ilmiy darajasini” soʻzlari “falsafa doktori (PhD) va fan doktori (DSc) ilmiy darajalarini” soʻzlari bilan almashtirilsin;

oʻn ikkinchi xatboshidagi “fan doktori” soʻzlari “ilmiy daraja” soʻzlari bilan almashtirilsin;

oʻn uchinchi xatboshidagi “fan doktori” soʻzlari “falsafa doktori (PhD) va fan doktori (DSc)” soʻzlari bilan almashtirilsin;

oʻn beshinchi xatboshidagi “doktorlik dissertatsiyasi” soʻzlari “dissertatsiya” soʻzlari bilan almashtirilsin;

v) 8-bandda:

toʻrtinchi xatboshidagi “fan doktori” soʻzlari “falsafa doktori (PhD) va fan doktori (DSc)” soʻzlari bilan almashtirilsin;

beshinchi, oltinchi, sakkizinchi, oʻn birinchi xatboshlardagi “fan doktori ilmiy darajasini berish boʻyicha” soʻzlari “ilmiy darajalar beruvchi” soʻzlari bilan almashtirilsin;

g) 14-bandda toʻrtinchi xatboshidagi “ilmiy daraja” soʻzlari “ilmiy darajalar” soʻzlari bilan almashtirilsin;

d) 15-bandda:

beshinchi xatboshidagi “fan doktori ilmiy darajasi berish boʻyicha ilmiy kengashlar” soʻzlari “ilmiy darajalar beruvchi ilmiy kengashlar” soʻzlari bilan almashtirilsin;

yettinchi xatboshidagi “ilmiy daraja” soʻzlari “ilmiy darajalar” soʻzlari bilan almashtirilsin;

sakkizinchi xatboshidagi “fan doktori ilmiy darajasi berish boʻyicha” soʻzlari “ilmiy darajalar beruvchi” soʻzlari bilan almashtirilsin;

toʻqqizinchi xatboshidagi “doktorlik dissertatsiyalari” soʻzlari “dissertatsiyalar” soʻzlari bilan almashtirilsin;

e) 16-bandning birinchi va sakkizinchi xatboshilaridagi “doktorlik dissertatsiyalarining” soʻzlari “dissertatsiyalarning” soʻzi bilan almashtirilsin;

j) 17-banddagi “fan doktori ilmiy darajasini berish boʻyicha” soʻzlari “ilmiy darajalar beruvchi” soʻzlari bilan almashtirilsin;

z) 26-bandning birinchi xatboshi quyidagi tahrirda bayon etilsin:

“26. Taqdim etilgan dissertatsiyalarni, ularning ilmiy va amaliy ahamiyatini ilmiy ekspertizadan oʻtkazish, ilmiy darajalar beruvchi ilmiy kengashlar ishini va attestatsiya oʻtkazishda talablarning yagonaligi taʼminlanishini nazorat qilish, ilmiy darajalar va ilmiy unvonlar berish toʻgʻrisidagi taqdimnomalarni koʻrib chiqish, shuningdek OAK Rayosatiga tavsiyalar tayyorlash uchun fan, texnika, taʼlim va madaniyat sohalaridagi yetakchi olimlar va mutaxassislardan fan yoʻnalishlari boʻyicha ekspert kengashlari tashkil etiladi.”;

i) 28-banddagi “fan doktori ilmiy darajasi” soʻzlari “ilmiy darajalar” soʻzlari bilan almashtirilsin;

k) 29-bandning ikkinchi xatboshidagi “fan doktori ilmiy darajasi” soʻzlari “ilmiy darajalar” soʻzlari bilan almashtirilsin;

l) 30-banddagi “Fan doktori ilmiy darajasini” soʻzlari “ilmiy darajalar” soʻzlari bilan almashtirilsin.

*(Oʻzbekiston Respublikasi qonun hujjatlari toʻplami, 2017-y., 21-son, 396-modda; Qonun hujjatlari maʼlumotlari milliy bazasi, 09.11.2017-y., 09/17/898/0234-son, 15.02.2018-y., 09/18/109/0699-son, 22.07.2019-y., 09/19/606/3457-son, 17.08.2019-y., 09/19/684/3601-son, 12.10.2019-y., 09/19/864/3902-son)*